



UNIVERSITETI I EVROPËS JUGLINDORE
УНИВЕРЗИТЕТ НА ЈУГОИСТОЧНА ЕВРОПА
SOUTH EAST EUROPEAN UNIVERSITY

Study program **E drejta civile**

Fakulteti	Drejtësia
Cikli i studimeve	Cikli i tretë (doktoratë)
SETK	180
Kodi	N-PhDLAWCV180C
Titulli	Doktor i shkencave juridike - Drejtimi: E drejta civile
Numri në arkiv i akreditimit [180]	03-574/1
Numri në arkiv i akreditimit []	03-574/6 (10.05.2019)
Vendimi për fillim me punë	03-574/6 (10.05.2019)
Data akreditimit	20.03.2019

Përshkrimi i programit

Programi studimor e drejta civile synon të ofrojë një gamë të moduleve që do të përbëjnë bazën e informacioneve dhe të dijeve të avancuara mbi lëndët juridike civile me qëllim të aftësimit profesional të studentëve për profesionet themelore juridike që lidhen me këtë lëmë duke ofruar njohuri solide, të veçanta dhe sistematike mbi institutet dhe konceptet e të drejtës civile në R. të Maqedonisë dhe njohuri krahasuese nga rajoni dhe BE-ja.

Karriera

Diploma e programit studimor do t'u mundësojë studentëve të studimeve të doktoratës të aftësohen për punën hulumtuese shkencore në lëmin e shkencave juridike civile si dhe për mësimdhënie në universitetet në vend dhe jashtë vendit, me ç'rast aktivisht do të jenë të kyçur edhe në procesin e fuqizimit të resurseve të veprimtarive të pushtetit shtetëror në drejtim të procesit të integriteteve euroatlantike të vendit.

Rezultatet e të mësuarit

Njohuritë dhe të kuptuarit

- Ka dituri të hollësishme nga e drejta civile, si ajo materiale ashtu edhe nga ajo procedurale, njëherësh edhe nga normat themelore në lëmenjtë kryesorë të së drejtës civile;
- Ka njohuri të hollësishme të parimeve dhe instituteve të së drejtës civile, përfshirë edhe origjinën dhe përmbajtjen e tyre;
- Vlerëson lëmin e së drejtës civile në mënyrë kritike, nga këndvështrimi shkencor dhe praktik;

Aplikimi i njohurive dhe të kuptuarit

- I zhvillon dhe i avancojnë shkathtësitë e hulumtimit analitik dhe të zgjidhjes së problemeve në teori dhe praktikë nëpërmjet përdorimit të akteve legjislative dhe praktikës gjyqësore;
- Identifikon dhe analizon probleme më të komplikuar, duke marrë pjesë aktive në të gjitha fazat e procedurës civile dhe

mund të interpretojë çështje të ndërlikuara të legjislacionit civil;

Aftësitë për të vlerësuar

- I zhvillon dhe i avancon shkathhtësitë e hulumtimit analitik dhe të zgjidhjes së problemeve në teori dhe praktikë nëpërmjet përdorimit të akteve legjislative dhe praktikës gjyqësore;
- Identifikon dhe analizon probleme më të komplikuar, duke marrë pjesë aktive në të gjitha fazat e procedurës civile dhe mund të interpretojë çështje të ndërlikuara të legjislacionit civil;

Aftësitë e komunikimit

- Përdor terminologji adekuate për çështje komplekse dhe specifike në sferën e shkencave juridike-civile;
- Sjell vendime më të avancuara dhe punon në mënyrë të drejtëpërdrejtë dhe efektive në të gjitha fazat e procedurës gjyqësore civile;
- Angazhohet aktivisht në argumentimin dhe debatin shkencor;
- I përdor gjuhët zyrtare të universitetit dhe ka shkathhtësi të avancuara të teknologjive të informimit në punën shkencore;

Aftësitë e të mësuarit

- Zhvillon rregullore të punës kërkimore që përdoret në profesionin e tij;
- Zhvillon një praktikë të mësimit të vazhdueshëm duke u angazhuar në trajnimin e personave që punojnë në institucionet shtetërore për parandalimin e kriminalitetit;

Lista e lëndëve

Semestri 1

- [DLAW0101] [10.0 SETK] **Metodologjia e Hulumtimit**
- [DCV01022] [10.0 SETK] **E Drejta Civile dhe Pronësore - Programi i Zbatuar**
- [DCV01033] [10.0 SETK] **E Drejta Procedurale Civile - Programi i Zbatuar**

Semestri 2

- [DCV0104] [10.0 SETK] **Shqyrtimi dhe Miratimi i Planit të Disertacionit të Doktoratës**
- [10.0 SETK] **Lëndë zgjedhore**
- [10.0 SETK] **Lëndë zgjedhore**

Semestri 3

- [PHD-S3-S4-01] [40.0 SETK] **Punë Kërkimore-Shkencore**
- [PHD-S3-S4-03] [20.0 SETK] **Publikime I**

Semestri 4

Semestri 5

- [DCV0105] [20.0 SETK] **Prezantimi i Rezultateve të Hulumtimit**
- [PHD-S5-01] [10.0 SETK] **Publikime II**

Semestri 6

- [CV-PhD-THESIS] [30.0 SETK] **Disertacioni i Doktoratës**

Description of courses

Lëndë obligative

- **Metodologjia e Hulumtimit**

Kjo lëndë është dizajnuar për studentët që përgatiten për punimin e projekt tezës së doktoratës. Qëllimet kryesore të lëndës janë që studentëve t'u ofrohen vegla për konceptualizimin e tezës së tyre në raport me gjetjen e pyetjes hulumtuese dhe krijimin e metodave për mbledhjen e të dhënave për analizë cilësore. Lënda fokusohet në problemet e metodave sasiore dhe të teknikave, siç është analiza statistikore, tekstet që lidhen me teorinë dhe testimin e hipotezave. Me rëndësi janë edhe temat për inferencë deskriptive dhe kauzale, hulumtime longitudinale krahasuese dhe studime të rastit. Informacione të avancuara do të ofrohen për mbledhjen e të dhënave duke punuar në tekst. Qëllimi është analiza e të dhënave sasiore, vendosja finale e të gjitha veprimeve teorike dhe praktike në dizajnimin dhe shkrimin e tezës.

- **E Drejta Civile dhe Pronësore - Programi i Zbatuar**

Koncepti i planprogramit synon që studentët të fitojnë aftësinë për të aplikuar në praktikë njohuritë e tyre të së drejtës civile, një aftësi që duhet ta ketë secili jurist. Nga studenti pritet ta zotërojë teknikën e aplikimit të duhur të rregullave juridike (leximi dhe interpretimi i normave juridike civile). Gjithashtu, studenti pritet ta zotërojë teknikën normative: punët juridike (kontratat, testamentet), përgatitjen e llojeve të ndryshme të parashtresave (padive, ankesave, kundërshtimeve, kërkesave), dhe përgatitjen e akteve të organeve gjyqësore (aktgjykimet, vendimet) si dhe aktet e tjera të organeve administrative (vendimet, kontratat) që nxisin, ndryshojnë dhe pushojnë marrëdhëniet juridike civile. Gjithashtu, koncepti i planprogramit synon që studentët ta fitojnë aftësinë që në praktikë t'i aplikojnë njohuritë e tyre të së drejtës pronësore. Nga studenti pritet ta zotërojë teknikën e aplikimit të duhur të rregullave juridike sendore si dhe zotërimin e teknikës juridike në lëmin pronësor juridik.

- **E Drejta Procedurale Civile - Programi i Zbatuar**

Objektivat specifike të këtij programi përbëhen nga aftësimi i studentëve të identifikojnë dhe të analizojnë në mënyrë kritike institucionet themelore të procedurës kontestimore, jashtëkontestimore, atë përmbaruese si t'i zhvillojnë shkathtësitë e aplikimit të njohurive të fituara në praktikë lidhur me udhëheqjen e këtyre procedurave.

- **Shqyrtimi dhe Miratimi i Planit të Disertacionit të Doktoratës**

Pas semestrit të parë, studenti fillon aktivitetet e tij për përpilimin e planit mbi disertacionin e doktoratës. Aktivitetet përfshijnë përcaktimin e literaturës, përcaktimin e kornizës hipotetike, përkufizimin e metodologjisë së punës dhe përcaktimin e planit individual si dhe prezantimin e parë publik.

- **Punë Kërkimore-Shkencore**

Në vitin e dytë (semestri 3 dhe 4) kandidati vazhdon me veprimtarinë kërkimore shkencore sipas planit individual të miratuar. Mentori siguron vlerësimin lidhur me këto aktivitete në formën e një raporti drejtuar Këshillit mësimesh-shkencor të fakultetit.

- **Publikime I**

Publikimi i aktiviteteve kërkimore-hulumtuese sipas tabelës me rëndësi për mediat për publikim. Aktivitetet dhe sukseset publicistike të kandidatit kontrollohen para audiencës shkencore sipas lëmit dhe relevancës së hulumtimit.

- **Prezantimi i Rezultateve të Hulumtimit**

Në fund të semestrit të 5-të, pas aktiviteteve kërkimore-hulumtuese sipas planit individual, kandidati do t'i prezantojë publikisht rezultatet e përgjithshme të kësaj faze të punimit dhe të hulumtimit.

- **Publikime II**

Publikimi i aktiviteteve kërkimore-hulumtuese sipas tabelës me rëndësi për mediat për publikim. Aktivitetet dhe sukseset publicistike të kandidatit kontrollohen para audiencës shkencore sipas lëmit dhe relevancës së hulumtimit.

- **Disertacioni i Doktoratës**

Vazhdimi i punës së disertacionit të doktoratës. Dorëzohet teza (disertacioni), pranohet nga Këshilli mësimesh-shkencor i fakultetit, u dorëzohet anëtarëve të komisionit dhe fillon procedura e mbrojtjes publike.

Lëndë zgjedhore

- **E Drejta Procedurale Familjare dhe Trashëgimore**

Me studimin e kësaj lënde pritet që studentët të fitojnë njohuri për institutet më të rëndësishme të së drejtës familjare dhe trashëgimore nga prizma e së drejtës procedurale, të mundën të definojnë institutet më të rëndësishme të së drejtës procedural familjare dhe trashëgimore, të veçojnë institutet më të rëndësishme të së drejtës procedurale familjare, të jenë në gjendje që të emërtojnë dhe veçojnë procedurat më të rëndësishme në Ligjin për familje, Ligjin për procedure kontestimore, Ligjin për procedurë jokontestimore dhe Ligjin për trashëgimi, të studiojnë trendet e zhvillimit të së drejtës procedurale familjare dhe civile. Pas përfundimit të suksesshëm të këtij program studimor pritet që studentët të mund të identifikojnë dhe të sqarojnë dallimin ndërmjet zotësisë juridike dhe zotësisë së veprimit nga zotësia për të qenë pale dhe zotësia procedural, të identifikojnë dhe sqarojnë rolin që ka Qendra për punë sociale në procedurat juridiko-familjare, që t'i identifikojnë dhe sqarojnë parimet bazë të procedurës kontestimore, që të përmbledhin karakteristikat themelore të institutive më të rëndësishme të së drejtës procedurale familjare dhe trashëgimore. Vëmendje e veçantë do t'i kushtohet edhe mësimi praktik duke ndjekur seanca të simuluar gjyqësore. Studentët do të jenë të aftë të demonstrojnë njohuritë dhe shkathtësitë e tyre të fituara gjatë kohës së studimit. Gjithashtu pritet nga studentët që të jenë të aftë të propozojnë ndryshime në të drejtën familjare de lege ferenda me dhënien e argumenteve me të cilat do t'i sqarojnë propozimet tyre, të propozojnë modele të tjera për funksionimin e e organeve shtetërore në ështëjet juridiko-familjare, të vlerësojnë kualitetin e zbatimit të zgjidhjeve ligjore aktuale në praktikë dhe në jetën e përditshme, të mundën të krahasojnë ngjajshmëritë dhe dallimet ndërmjet institutive të veçanta të së drejtës familjare veçanta të së drejtës familjare dhe trashëgimore.

- **Përgjegjësia Juridiko - Civile për Dëmin e Shkaktuar**

Qëllimi i programit studimor është që: - T'i aftësojë studentët pavarësisht të analizojnë raportet që krijohen ndërmjet dëmtuesit dhe të dëmtuarit me rastin e shkaktimit të dëmit, si edhe të kuptojnë rëndësinë e institutit përgjegjësia juridiko-civile për demine shkaktuar; -Të nxisë studentët të konsultojnë kornizën aktuale normative mbi përgjegjësinë juridiko-civile dhe të analizojnë në mënyrë kritike zbatimin e rregullave mbi kompenzimin e dëmit; -Të aftësojë studentët që të kuptojnë lidhjen e fuqishme që egziston ndërmjet; përgjegjësishë juridiko-civile për kompenzimin e dëmit dhe zhvillimit të ekonomisë bashkëkohore të tregut; -Të zhvillojë tek studentët qasje praktike për të gjetur zgjidhje për rregullimin e rasteve praktike të marrëdhënieve detyrimore që krijohen me shkaktimin e dëmit; -Të aftësojë studentët që të kuptojnë zbatimin e rregullave mbi përgjegjësinë dhe kompenzimin e dëmit dhe të mundën të zgjedhin raste konkrete nga lëmi i shkaktimit të dëmit; -Të aftësohen studentët që të mundën të bëjnë krahasimin ndërmjet të drejtës evropiane dhe të drejtës së Republikës së Maqedonisë në lëminë e përgjegjësishë juridiko-civile për kompenzimin e dëmit.

- **E Drejta Tregtare Europiane**

Qëllimi i lëndës është: - Të aftësojë studentët që të analizojnë rregullat në lidhje me tregtinë në Unionin Evropian. - Të aftësojë studentët që të analizojnë rregullat në lidhje me tregtinë në Unionin Evropian dhe shtetet e tjera.

- **E Drejta e Falimentimit dhe Procedura e Falimentimit**

Qëllimi i lëndës është: - Të aftësojë studentët që pavarësisht të identifikojnë dhe të anaizojnë në mënyrë kritike institutet themelore të falimentimit dhe procedurës së falimentimit; - Të zhvillojë shkathtësi për zbatimin e njohurive të fituara nga praktika në lidhje me falimentimin dhe procedurën e falimentimit.